



Broj: 04/A-06-4-SD-1031/17

Sarajevo: 20.07.2017.

- Gdin: Ismir Jusko
Ministar
Ministarstvo komunikacija i transporta BiH
Trg BiH 1, Sarajevo
- Gdin: Mirko Šarović
Ministar
Ministarstvo vanjske trgovine i ekonomskih odnosa BiH
Musala 9, Sarajevo
- Gdin: Vjekoslav Bevanda
Ministar
Ministarstvo finansija i trezora BiH
Trg BiH 1, Sarajevo
- Gđa: Semiha Borovac
Ministar
Ministarstvo za ljudska prava i izbjeglice BiH
Trg BiH 1, Sarajevo
- Gdin: Adil Osmanović
Ministar
Ministarstvo civilnih poslova BiH
Trg BiH 1, Sarajevo
- Gdin: Josip Grubeša
Ministar
Ministarstvo pravde BiH
Trg BiH 1, Sarajevo

Predmet: Treći poziv za dostavljanje aplikacija za sufinansiranje investicionih projekata putem Investicijskog okvira za Zapadni Balkan (WBIF)

Poštovani,

Obavještavamo vas da je Evropska komisija objavila Treći poziv za dostavu zahtjeva za grant sredstva radi sufinansiranja investicionih projekata putem Investicijskog okvira za Zapadni Balkan (WBIF), koji će biti zatvoren 30. novembra 2017. godine.

Kao što ste ranije upoznati, od 2015. godine Evropska komisija uvodi i mogućnost sufinansiranja radova i opreme za infrastrukturne projekte u zemljama korisnicama sa Zapadnog Balkana.

Opšti uslovi za apliciranje na ovaj poziv su:

- Poziv je otvoren za aplikacije iz sva 4 WBIF sektora (transport, energija, okoliš, socijalni sektor) ukoliko u WBIF sektoru za koji se aplicira postoji usvojena cjelodržavna strategija. Bosna i Hercegovina je u skladu sa ovim zahtjevom usvojila Okvirnu strategiju transporta BiH i Strategiju aproksimacije propisa pravnoj stečevini EU u oblasti zaštite okoliša BiH. Obzirom da je u prvoj polovini 2017. godine započeta i priprema cjelodržavne strategije za energetiku, bilo bi moguće aplicirati i sa energetske projektima ukoliko dinamika usvajanja te strategije bude odgovarala rokovima i kriterijima unutar ovog Poziva.
- Sufinansiranje kroz IPA sredstva Evropske komisije će biti dostupno samo za projekte koji se odnose na Agendu za povezivanje u sektorima transport i energija. Za sektor transporta biće prihvatljive isključivo aplikacije koje se nalaze na Osnovnoj mreži (Core Network) i ukoliko se projekat nalazi na Jedinstvenoj listi prioriternih infrastrukturnih projekata (SPP) za sektor transporta. U sektoru energije biće prihvatljive aplikacije koje su uvrštene na PECE/PMI listu (PECE-Projekti od interesa za Energetsku zajednicu JI Evrope; PMI-Projekti od uzajamnog interesa za Energetsku zajednicu JI Evrope i EU).
- Sufinansiranje u sektorima okoliš i socijalna infrastruktura će biti moguće jedino iz sredstava bilateralnih donatora unutar Evropskog zajedničkog fonda za Zapadni Balkan, čija sredstva su ograničena
- Projekti moraju biti visokog stepena zrelosti i prioritetni za implementaciju
- Zahtjev za grant sredstvima treba biti praćen kreditnim aranžmanom (koji je u fazi pregovaranja ili je već sklopljen) između BiH i neke od međunarodnih finansijskih institucija uključenih u WBIF (Evropska banka za obnovu i razvoj, Evropska investicijska banka, Razvojna banka Vijeća Evrope, Njemačka razvojna banka), uz razmotrene finansijske mogućnosti aplikanta za zaduživanjem u budućnosti. Navedena tzv. vodeća međunarodna finansijska institucija mora izraziti interes/podršku projektu koji se predlaže i biti konsultovana pri izradi grant aplikacije
- Zbog finansijskih obaveza koje se stvaraju, neophodno je uključivanje relevantnih ministarstava finansija prilikom apliciranja po pitanju mogućnosti zaduživanja vezano za predloženi projekat (ukoliko je u pitanju novo zaduženje).

Imajući u vidu prethodno navedeno, molimo nadležna državna ministarstva da informiraju relevantne institucije o pozivu vodeći računa o ispunjavanju svih navedenih kriterija te pristupe izradi i prikupljanju aplikacija. Prvi nacrti aplikacija, u skladu sa Instrukcijama za izradu i dostavljanje grant aplikacija u BiH sa rokovima za izvršavanje aktivnosti-3. INV Runda (Prilog 1) trebaju biti dostavljeni Direkciji za evropske integracije u GAF formi (Prilog 2) do **2.10.2017. godine** zvaničnim dopisom kao i putem elektronske pošte na e-mail adresu wbif-bih@dei.gov.ba. Pored toga, potrebno je da nam do 30.10.2017. godine dostavite Tabelu ocjene zadovoljavanja uslova Trećeg Poziva za dostavljanje grant aplikacija za sufinansiranje investicijskih projekata putem Investicijskog okvira za Zapadni Balkan (u formi datoj u Prilogu 4).

Više informacija o načinu popunjavanja zahtjeva za grant sredstvima možete naći u Vodiču za izradu aplikacija za WBIF investicione grantove (Prilog 3). Sve priloge (aplikacioni paket) zbog obima dostavljamo elektronskim putem, a isti će biti prosljeđen voditeljima projekata u vašoj instituciji.

Podršku i informacije pri izradi aplikacija pruža i WBIF Ured u BiH, gđa. Aleksandra Pločo aleksandra.ploco@wbif-ipf.eu , tel. 033 941 271. Detaljnije informacije o Investicijskom okviru za Zapadni Balkan možete dobiti putem web stranice www.wbif.eu.

S poštovanjem,



Priloga: 4

1. Instrukcije za izradu i dostavljanje grant aplikacija u BiH sa rokovima za izvršavanje aktivnosti - 3. INV Runda
2. Obrazac za grant aplikaciju za WBIF investicione grantove – GAF IG (putem e-mail-a)
3. Vodič za izradu aplikacija za WBIF investicione grantove (putem e-mail-a)
4. Tabela ocjene zadovoljavanja uslova Trećeg Poziva za dostavljanje grant aplikacija za sufinansiranje investicijskih projekata putem Investicijskog okvira za Zapadni Balkan (WBIF)

Dostavljeno:

1. Naslovu
2. Članovi Državnog odbora za investicije (e-mail)
3. Ured Predsjedavajućeg Vijeća ministara BiH (e-mail)
4. Voditelji projekata (e-mail)
5. a/a